

20.05.2020.

Usvojen Zakon o ublažavanju negativnih posljedica uzrokovanih stanjem nesreće



Po hitnom postupku, Skupština Bosansko-podrinjskog kantona Goražde na današnjoj 6. vanrednoj sjednici razmatrala je, a potom i usvojila Zakon o ublažavanju negativnih posljedica uzrokovanih stanjem nesreće. Između ostalog ovaj propis predstavlja zakonski osnov za dodjelu subvencija privrednim subjektima i obrtnicima s područja Bosansko-podrinjskog kantona Goražde, u cilju prevazilaženja negativnih posljedica u njihovom poslovanju pojavom pandemije coronavirusa COVID-19.

Pretpostavke za provođenje zakona stvorene su usvajanjem Izmjena i dopuna Budžeta BPK Goražde te dopuna Zakona o izvršenju budžeta za 2020.godinu, koje je takođe na današnjoj sjednici usvojila Skupština BPK Goražde.

Na prijedlog Vlade Bosansko-podrinjskog kantona Goražde Rebalans budžeta za 2020.godinu usvojen je u iznosu od 42.428.966KM.